

Aña escolar 201-2015

Rietveld Academie lo brinda curso preparatorio di arte y diseño



ORANJESTAD- Den nos region di Caribe no tabata tin un academia pa arte y diseño, pero desde 2011 na Aruba ta wordo brinda un curso preparatorio di arte y diseño, pa docentenan di e famoso Rietveld Academie di Hulanda, un instituto internacionalmente conoci y reconoci. E siguiente aña escolar 2014-2015 un estudio di e nivel di Bachelor lo cuminsa aki na Aruba bou guia di Rietveld Hulanda.

E curso preparatorio cu lo cuminsa na februari 2014, ta un introduccion pa e Bachelor of Fine Arts and Design na e academia. Despues di caba e curso preparatorio exi-

tosamente, automaticamente e estudiante lo wordo admiti pa e prome aña di e Bachelor u lo ta un aña cu materianan general. E curso preparatorio ta encera 30 siman, den cual tin les 4 dia pa siman pa un mita dia. E programa lo wordo duna pa varios maestro di Rietveld Amsterdam y ta consisti di tres modulo y tambe teoria. E Bachelor of Fine Arts and Design lo cuminsa e siguiente aña escolar 2014-2015. Despues di e aña general e estudiante por scoge su especialisacion dentro di e dos programanan aki. E aña general lo persigui pa tres aña di estudio mas profundo y avansa. □

Rietveld Aruba ta siña y prepara estudiante hoben y talento pa funciona independientemente y pa ta un inspiracion den e area di arte y diseño. E academia ta aprecia y respeta e individuo cu ta expresa, experimenta y ta gusta descubri. Rietveld Aruba tambe ta curasha e estudiante pa ta consciente di su medio

ambiente, pa ta habri pa otro nan y involvi cu su comunidad.

E academia ta situa den un edificio monumental recientemente renoba den centro di Oranjestad. Pa medio di Aruba su clima, seguridad y hendenan ameno e isla ta inspira innovacion y creatividad. Su comunidad multi-

cultural y multilingual y su orientacion internacional ta crea un espacio perfecto pa e sector creativo y mentenan creativo. Aruba ta un pais di oportunidad y ta desaroyando un ambiente fuerte artistico, creativo y innovativo. Esaki ta bo oportunidad pa ta parti di un comienso nobo. Laga arte renoba bo!